

थारा ने पावड़िया में नमतो आऊं रे मारा बाबा दर्शन दे दीजो



थारा ने पावड़िया में नमतो आऊं रे,
हिन्दूवा पीरा नमतो आवु रे,
मारा बाबा दर्शन दे दीजो,
चढावु छत्तर सोना रो,
चढावु घोडलो चांदी रो।bd।

थारोडा मेला में ध्वजा फरुके,
रामाधणी ध्वजा फरुके,
हिन्दूवा पीरा ध्वाजा फरुके,
मारा बाबा दर्शन दे दीजो,
थारोडी नगरी री तो शोभा न्यारी,
मारा बाबा शोभा न्यारी,
मारा बाबा दर्शन दे दीजो,
चढावु छत्तर सोना रो,
चढावु घोडलो चांदी रो।bd।

थारोडा मेला में तो बाजा बाजे,
भगता रा टोला नाचे,
मारा बाबा दर्शन दे दीजो,
थारोडा मन्दिर में तो उडे रे गुलाल,
मारा बाबा उडे रे गुलाल,
हिन्दवा पीरा दर्शन दे दीजो,
चढावु छत्तर सोना रो,
चढावु घोडलो चांदी रो।bd।

थारोडा मेला में तो पाला आवे,
रामाधणीया पाला आवे,
हिन्दुवा पीरा दर्शन दे दीजो,
मारा बाबा दर्शन दे दीजो,
थारोडे भगतो पर किरपा राखो,
मारा बाबा किरपा राखो,
हिन्दवा पीरा दर्शन दे दीजो,
चढावु छत्तर सोना रो,
चढावु घोडलो चांदी रो।bd।



थारोडा मन्दिर मे जमलो जागे,
रामाधणीया जमलो जागे,
मारा बाबा दर्शन दे दीजो,
मारा बाबा दर्शन दे दीजो,
थारोडा मेला में हर्षित गावे,
बाबा हर्षित गावे,
मारा बाबा दर्शन दे दीजो,
हिन्दवा पीरा दर्शन दे दीजो,
चढावु छुत्तर सोना रो,
चढावु घोडलो चांदी रो। **lbd।**

थारा ने पावड़िया में नमतो आऊं रे,
हिन्दूवा पीरा नमतो आवु रे,
मारा बाबा दर्शन दे दीजो,
चढावु छुत्तर सोना रो,
चढावु घोडलो चांदी रो। **lbd।**

गायक – प्रकाश माली जी ।
प्रेषक – मनीष सीरवी
9640557818
